



Inatsisartunut ilaasortaq
Jens-Erik Kirkegaard
-/Maani

Kræfti pillugu pilersaarut 2013 pillugu § 37 naapertorlugu apeqqummut allakkatigut akissut.

23. februar 2015
Sagsnr. 2015-111170
Dok. Nr. 1872306

Inatsisartunut ilaasortaq, Jens-Erik Kirkegaard, Kræfti pillugu pilersaarut 2013 pillugu apeqqutinnut qjanaq.

Postboks 1160
Tlf: 34 50 00
Fax: 32 55 05
3900 Nuuk

Email: pn@nanoq.gl
www.nanoq.gl

1.
UKA2013-mi Kræfti pillugu 2013-imut pilersaarut Naalakkersuisunit Inatsisartunut saqqummiunneqarpoq. Kræfti pillugu pilersaarut sulii Naalakkersuisut peqqinnissaqarnermut anguniagaannut ilaava?

Kræfti pillugu pilersaarut 2013 Naalakkersuisut peqqissuseq pillugu politikkikkut sulinerannut sulii ilaavoq. Kræfti pillugu pilersaarummi immikkoortut Peqqinnissaq pillugu periusissiamut 2014 – 2017 ilanngunneqarnikuupput.

Tamanna atuussimappat:

a.

Kræfti pillugu pilersaarutip atuutsilersinnissaa sumut killippa?

Piffissamut iliuusissatullu pilersaarutit Kræfti pillugu pilersaarummi allaaserineqartut malillugit Kræfti pillugu pilersaarut atuutilersinniarneqarpoq. Pilersaarut Peqqinnissaqarfiup isiginiarsaraa suliallu inunnit pingaarnernit assigiinngitsunit ingerlateqqinnissaa qulakkeerniarlugu.

b.

Suliniutit sorliit atuutsilersimappat anguniakkat makkua Kræfti pillugu pilersaarummi immikkut inissisimasut piviusunngortinniassallugit (qallunaatuani qupp. 7):

- i. **"Kræfteqalersimanermik siusittumik paasisaqarnissaq kiisalu kræfteqalersimanermik takussutissanik uppersaasinnaaneq"**

Illissakkut kræftimik misissuisarnerup allaaserineqartut ingerlateqqinnissaa eqqumaffigineqartorujussuuvoq. Arnat aggersarneqartarput piffissallu akuttussusissaattut aalajangerneqartut malillugit misissuinissamik neqeroorfigineqartarlutik. Takkutinngitsoorpata aggersarneqarqittarput.

Arnanik misissuisarnermik pilersaarutip malinneqarnissaata pingaaruteqassusia tassunga atatillugu erseqqissarneqassaaq. Misissuisarnerni nalinginnaasuni annertunerumillu misissuinissamik katsorsaanissamillu paasisaqarnermi arnanut ilisimatitsisarneq sukateriffigineqarnikuuvoq.

Ivianginnik misissuut pisiarineqarnikuuvoq 2014-illu naanerani Nuummi ikkussorneqarluni. Tamassuma kingorna arnat iviangikkut kræfteqaleriaannat

Kræfti pillugu pilersaarummi allaaserineqartutut iviangikkut misissorneqarnissamik neqeroorfigineqartassapput.

Napparsimasunik imminut atasumik misissuisarnermut katsorsaasarnermullu atatillugu taamatut misissuisarnissamik neqeroorut allanut neqeroorutigalugu annertusineqassanersoq nalilersorneqassaaq.

ii. "Kræfteqalersimasinnaanerminnik malussartut eqqortumik nappaatip suussusaanik pilertortumik qulakkeerinniffigineqarnissaat"

Napparsimasunik imminut atasumik misissuisarnek katsorsaasarnerlu 2014-imi immikkut isiginiarneqarpoq. Periuseq naleqqussarneqarnikoq suliarineqarnikuuvoq tassungalu peqatigitillugu napparsimasunik misissuisarnermi katsorsaasarnermilu ingerlatsisut assigiinngitsut (nunaqarfiit – illoqarfiit – nunap immikkoortui – DIH – Danmark) akornanni taarseraannerujussuaqartarnerani Kalaallit Nunaanni unammilligassat immikkut ittut aaqqiiviginiarneqarlutik. Napparsimasunik misissuisarnerni katsorsaasarnernilu telemedicini ingerlatsisunut assigiinngitsunut ilisimasanik ingerlatitseqqiisarnissap qulakkeerneqarnissaanut kiisalu napparsimasut immikkut ilisimasalinnit sukkasuumik misissorneqartarnissaannut katsorsarneqartarnissaannullu pingaaruteqarpoq. Periuseq taanna taassumalu atornissaanut maleruagassiat tassunga ilaasut siunissami misissuisarnernut katsorsaasarnernullu aalajangersimasunut tunngaviussapput. 2015-ip ingerlanerani arnat kræftemik nappaatigisartagaannik kiisalu iviangikkut kræfteqarnermi misissuisarnermik katsorsaasarnermillu allaaserinninnerit aalajangersimasut suliarineqassapput.

Suliamut taassumunnga tapersiissutitut suliniummi ataqatigiissaarisartoq ukiunut pingasunut atorfinitsinneqarnikuuvoq. Suliniummi ataqatigiissaarisartup ingerlatsisut tamaasa peqataatillugit suliaq aqussavaa ataqatigiissarlugulu. Taamaalilluni ilimagineqarpoq napparsimasut misissorneqartarnerannik katsorsarneqartarnerannillu allaaserinninnissat pilersaarutigineqartut tamarmik kræfti pillugu pilersaarummi piffissaritinneqartup iluani suliarineqassasut.

iii.

"Kræftimik napparsimasut nunarsuarmioqatitta suleri-aasiannut naapertuuttumik pitsaassussilimmik aaqqis-suulluakkamik pilersaarusiugaalluurtumillu neqeroorfigissallugit pisariaqanngitsumik utaqqititsinani"

Imm. 1.b.ii takujuk.

c.

Naalakkersusiut qanoq illiuseqassamaarpas nunatsinni kræfte-qarlutik napparsimasut naammaginatimik atugaqarnissaat qulakkeerniarlugu nappaatimillu pitsaanerpaamik ingerlaase-qarnissaat qulakkeerumallugu?

Imm. 3 takujuk.

2.

Peqqinnissaqarfimmut najoqqutassat suut ullumikkut atuutsinneqar-pas, una eqqarsaatiginerullugu kræftimik tunngavissalimmik pasitsaasaqarfiullutik napparsimasut katsorsqartinnissaannut pilersaarusiorterisa sivilissusissaat, tamatumani nappaatip suussusersinissaa katsorsarnissaalu ilanngullugit?

Napparsimasut kræftimik nappaateqarnerannik tunngavissaqartumik pasitsaanneqartut

tamarmik utaqqisinnagit misissorneqarnissamik neqeroorfigineqartassapput.

3.

Nappaatip suussusianik paasinninnermi piffissarineqartut qanoq sukkatigisumik ingerlanneqarpat napparsimasup kræfteqarsimaneramik pasitsaasaqarnermiit katsorsarneqarnissaannut?

Kalaallit Nunaanni Peqqinnissaqarfimmi utaqqisinneqannginnissamik qulakkeerinnittarneq atorneqanngilaq, napparsimasulli tamarmik kræfteqarnerannik tunngavissaqartumik pasitsaanneqartut imaluunniit kræfteqarnerannik paasisaqarfiusut utaqqisinnagit katsorsarneqarnissaannik neqeroorfigineqartarput. Kalaallit Nunaanni (Dronning Ingridip Napparsimavissuani) katsorsarneqarsinnaappata angallannermi unammilligassat kingunerisa saniatigut nappaammik suussusiliinermiit katsorsarneqarnissamik neqeroorfigineqarnermut utaqqisinneqarneq ajorput.

Danmarkimi katsorsaasoqassappat kalaallit napparsimasut Danmarkimi kræfteqartut assigalugit utaqqisinneqannginnissamik qulakkeerinniffigineqartarput. Pisut ataasiakkaat tunngavigalugit napparsimasut kræftimik suussusiligaasimasut utaqqisinneqannginnissamik qulakkeerinniffigineqarnerup iluani katsorsarneqarnissamut aggersarneqartarput.

4.

Naalackersuisut maannakkorplaq nappaatip suussusianik paasitsaassaqaqarnermiit napparsimasup katsorneqarnissaata pilersaarusiornissaannut piffissarititaasunut suut patsisaasorivaat?

Napparsimasut misissorneqartarneranni katsorsarneqartarnerannilu pissutsit piffissamut pingaaruteqartut ilaat tassaavoq innuttaasut uteqattaartumik paasissutissiiffigineqartaraluarlutik kingusinaartumik peqqinnissaqarfimmut saaffiginnittarnerat pissutaasut ilagaat. Taamatut kingusinaartoqartarnerani angusassamik toraagaqarluni suliniuteqarneq tassaassaaq timip nalinginnaasumik pissuseqartarnera ulorianartoqarneranillu takussutissat suut qisuariarfigineqarnissaat pingaaruteqarnerisut Peqqinnissaqarfimmilu sulisunut nalunaaruteqarnissaq.

Innuttaasut siamasissumik najugaqarnerisa kinguneraa innuttaasut assersuutigalugu nunaqarfinni peqqinnissaqarfinni siullermeerlutik saaffiginninneranniit immikkut ilisimasalimmik naapitsinerup kinguaattoorsinnaanera. Kinguaattoorneq taanna telemedicinip immikkut ilisimasalimmut attaveqaatitut annertunerusumik atorneqarneratigut toraagaqarluni annikillisinneqarnissaa suliniutigineqarpoq.

Oqaatigineqartutut kræftimik nappaateqartutut pasitsaanneqartut imaluunniit kræftimik suussusiliiffigineqarsimassut nukinginnartumik iliuseqarfigineqartarput. Tamassuma kinguneraa Dronning Ingridip siniffinnik amigaateqartoqaraluartoq napparsimasut kræfteqartut utaqqisinneqartannginnerat.

Kisiannili kræftimik nappaateqartunik taamatut salliuutitsisarnerup kinguneraa kræftimik nappaateqanngitsut katsorsarneqartariaqartumik nappaatillit utaqqisinneqartarnerisa sivitsorneqarnera.

5.

Naalackersuisut isumaqarpat, massakkut piffissatigut atuuttut nappaatip suussusianik pasitsaassaqaqarnermiit napparsimasup katsorsarneqarnissaata

pilersaarusioneqarnissaannut piffissaarititaasut napparsimasup atorfissaqartital naapertorlugit ajunnginnerpaaffianiittut?

Kræftimik nappaateqartut katsorsarneqartarnerisa aaqqissuunneqarnissaa ullumikkut isiginiarneqartorujussuuvoq, kisiannili katsorsaanermik imminut atasumik suliniuteqarnikkut suli pitsanngorsaaqqittoqassaaq.

Napparsimasut katsorsarneqartarnerannik aaqqissuussinermi napparsimasunik aaqqissuussamik peqataatitsisarneq napparsimasut imminut atasumik katsorsarneqartarnerannik suliaqarnermut atatillugu annertusiartortumik pisassaaq, tassani napparsimasut katsorsaanermi iliuuseqartutut pingaarnertut peqataatinneqartassallutik.

Aammattaaq napparsimasut kissaataat pisariaqartitaallu pillugit ilisimasanik katersisarneq Napparsimasunik ilitsersuisarfimmik 2015-ip ingerlanerani pilersitsinikkut pissaaq. napparsimasunik ilitsersuisarfik 2015-ip qiteqqunnerani piffissami suliniuteqarfiup misiliummik pilersinneqassaaq qaammatit arfinillit ingerlareerpat nalilerneqartussaq.

Sulisut peqqissaasut taarseraannerujussuat kræftimik nappaateqartunut napparsimasunullu allanut misissorneqarnissamik katsorsarneqarnissamillu ataavartumik pisariaqartitsisunut immikkut unammilligassaavoq. Unammilligassaq taanna napparsimasunik aaqqissuussamik katsorsaasarnikkut iliuuseqarfigineqassaaq, aammali aalaakkaanikkut, taannalu Peqqinnissaqarfimmi aqutsisunit siunissami pilersinneqartussatut isikkoqarpoq.

Inussiarnersumik inuulluaqquusillunga



Martha Lund Olesen